

Quinta.-Programa de incorporación.

A incorporación do concello á axencia será efectiva desde o día seguinte ao de publicación deste convenio no *Diario Oficial de Galicia*.

Os expedientes relativos ás obras en execución nas materias que son obxecto de delegación deberán ser remitidos á Axencia de Protección da Legalidade Urbanística no prazo dun mes desde a data de entrada en vigor deste convenio.

Sexta.-Prazo de vixencia do convenio.

Este convenio entrará en vigor o día seguinte ao da súa publicación no *Diario Oficial de Galicia* e o seu prazo de vixencia será indefinido.

A resolución deste convenio producirase no suposto de que o Concello de Verín perda a condición de membro da axencia por calquera das causas que se establecen no artigo 12 dos estatutos da axencia e cos efectos que o mesmo artigo dispón.

Sétima.-Interpretación do convenio.

As controversias que puidesen xurdir na interpretación deste convenio e a súa aplicación serán resoltas polo Consello Executivo da axencia, de conformidade co disposto no artigo 10 dos estatutos da axencia aprobados polo Decreto 213/2007, do 31 de outubro.

E para que así conste, asinan este convenio de adhesión, por duplicado exemplar, no lugar e data arriba indicados.

**INSTITUTO GALEGO DE
PROMOCIÓN ECONÓMICA**

Resolución do 18 de maio de 2009 pola que se fai pública a ampliación do límite de crédito dispoñible para as axudas ás iniciativas de difusión solicitadas ao abeiro da base reguladora dos incentivos a proxectos colaborativos de carácter empresarial (procedemento IG114-artigo 4).

Mediante Resolución do 5 de febreiro de 2009 publicouse a nova redacción das bases reguladoras dos incentivos económicos e das bases reguladoras dos procedementos de tramitación das liñas de axuda do Igape (DOG nº 31, do 13 de febreiro), adaptándose ao Regulamento (CE) 800/2006, do 6 de agosto, xeral de exención por categorías, e procedeuse á convocatoria para o exercicio 2009, en réxime de concorrencia competitiva, de determinadas liñas de axuda previstas nestas bases.

As ditas bases prevén que as convocatorias de axudas, que conterán en todo caso o prazo de pre-

sentación de solicitudes e os créditos asignados a elas, serán aprobadas mediante resolución do director xeral do Igape e publicadas no *Diario Oficial de Galicia*.

Tendo en conta o volume de solicitudes recibidas, parece oportuno incrementar o importe aprobado para as axudas ás iniciativas de difusión solicitadas ao abeiro da base reguladora dos incentivos a proxectos colaborativos de carácter empresarial.

Na súa virtude, e de conformidade coas facultades que teño conferidas,

RESOLVO:

Único.-Amplíase en 44.000 € o crédito dispoñible das axudas do Igape para o apoio ás iniciativas de difusión solicitadas ao abeiro da base reguladora dos incentivos a proxectos colaborativos de carácter empresarial, que se aboarán con cargo á partida orzamentaria 02.02E4/10/02-651800 dos orzamentos do Igape para 2009.

Santiago de Compostela, 18 de maio de 2009.

Joaquín Varela de Limia de Cominges
Director xeral do Instituto Galego de Promoción
Económica

**UNIVERSIDADE DE SANTIAGO
DE COMPOSTELA**

Resolución do 12 de maio de 2009 de modificación da Resolución do 31 de xullo de 2007 sobre delegación de competencias en determinados órganos universitarios.

En virtude das resolucións de 1 e 3 de abril de 2009, modificouse o número e denominación das vicerreitorías da Universidade de Santiago de Compostela, modificando a Resolución do 14 de xuño de 2006.

Deste xeito, suprímese a Vicerreitoría de Relacións Institucionais e créase a de Política Internacional, así como a Vicerreitoría de Economía e Financiamento pasa a denominarse de Economía, Financiamento e Infraestruturas, asumindo as competencias que tiña a anterior Vicerreitoría de Infraestruturas.

Cómpre, en consecuencia, modificar a resolución de delegación de competencias do 31 de xullo de 2007, publicada no DOG do 19 de setembro, e adecuala á nova estrutura organizativa.

Por todo o anterior, esta reitoría resolveu:

Primeiro.

Modificar o punto I da delegación de competencias a prol de vicerreitores/as e vicerreitores/as adxuntos/as. En concreto modifícase o artigo 4, letra A) da

Resolución do 31 de xullo de 2007, no seguinte sentido:

«A) Vicerreitoría de Política Internacional.

O/a vicerreitor/a de Política Internacional será competente para:

1. A xestión de convenios con administracións, universidades e outras institucións, sexan públicas ou privadas,

2. As relacións internacionais, así como a xestión de convenios con outras administracións, universidades ou institucións estranxeiras, sexan públicas ou privadas.

3. A xestión de programas de intercambio nacional e internacional.

4. As convocatorias de axudas para mobilidade de estudantes, profesores e persoal de administración e servizos.

5. A representación da USC nos procesos selectivos das bolsas relacionadas coa mobilidade de estudantes.

6. A convocatoria de bolsas pre e posdoutorais para estudantes estranxeiros.

7. A dirección operativa da Oficina de Relacións Exteriores.

8. A dirección operativa da Área de Información e Comunicación Universitaria».

Segundo.

Modificar o punto I.4. f) referido á delegación de competencias a prol de vicerreitores/as e vicerreitores/as adxuntos/as. En concreto, modifícase o artigo 4, letra F), da Resolución do 31 de xullo de 2007, atribuíndo as seguintes competencias:

«F) Vicerreitoría de Economía, Financiamento e Infraestruturas.

1. Os actos administrativos que en materia de contratación administrativa lle correspondan legalmente ao reitor da Universidade de Santiago de Compostela (pregos, presidencia da mesa de contratación, etc.).

2. A formalización dos contratos administrativos e patrimoniais.

3. En materia económico-financeira e orzamentaria:

a) A elaboración do proxecto de programación plurianual.

b) A elaboración de plans de financiamento.

c) A elaboración do proxecto de orzamento anual en colaboración coa xerencia.

d) A elaboración da memoria económica e a formulación das contas anuais exixidas na lexislación vixente en colaboración coa xerencia.

e) O exercicio das funcións de proposta ou aprobación de modificacións orzamentarias atribuídas ao reitor.

Exceptúanse da delegación outorgada neste punto:

a) A resolución das impugnacións que se presenten contra os procedementos de adxudicación.

b) O acto definitivo de revogación ou de resolución dos contratos administrativos, tras o procedemento instruído para o efecto.

4. A coordinación das obras de infraestruturas que se realicen na USC.

5. A planificación e aprobación das obras de reforma, renovación e mellora dos edificios e de mantemento das instalacións, sen prexuízo das competencias delegadas na Vicerreitoría adxunta de Infraestruturas e Servizos.

6. A supervisión da xestión das infraestruturas, sen prexuízo das competencias delegadas na Vicerreitoría de Economía e Financiamento.

7. A xestión de espazos da universidade, sen prexuízo das competencias delegadas a outras vicerreitorías.

8. O seguimento das axudas e subvencións para adquisición de infraestruturas, sen prexuízo das competencias da Vicerreitoría de Economía e Financiamento e da Vicerreitoría adxunta de Infraestruturas e Servizos.

9. A solicitude de licenzas e outros actos de tramitación perante outras administracións públicas, contratistas ou terceiros en materias de infraestruturas».

Terceiro.

Elimínase da citada Resolución do 31 de xullo de 2007 toda a alínea I) do artigo 4 do punto I referido á Vicerreitoría de Infraestruturas.

Cuarto.

Modificar o punto III, artigo 12, no seguinte sentido:

«Décimo segunda- Exceptúanse da delegación outorgada nos puntos anteriores, que continúan atribuídas ao reitor, as seguintes competencias:

a) Os asuntos que se refiren ás relacións cos órganos e institucións da Administración do Estado e da Administración autonómica galega, agás os de mero trámite.

b) Os que teñen relación co Consello Social, Claustro Universitario e Consello de Goberno.

c) Os actos que supoñan o exercicio da excepcionalidade da súa eficacia retroactiva, establecida no artigo 57.3 da LRXAP-PAC.

d) Os actos sancionadores e os referidos ao exercicio da potestade disciplinaria.

e) Os que dean lugar á adopción de resolucións reitorais de carácter xeral.

f) A resolución dos incidentes de abstención e recusación.

g) A supervisión da aplicación da imaxe corporativa da USC.

En caso de ausencia ou enfermidade, o reitor será substituído polo vicerreitor que designe mediante resolución ditada para o efecto».

Disposición derogatoria

Se derroga a Resolución do 25 de marzo de 2009, sobre avocación de competencias e delegación de sinatura en favor de varios órganos administrativos.

Disposición adicional

Esta resolución entrará en vigor na data de publicación no DOG.

Santiago de Compostela, 12 de maio de 2009.

Senén Barro Ameneiro

Reitor da Universidade de Santiago de Compostela

IV. OPOSICIÓN E CONCURSOS

CONSELLERÍA DE FACENDA

Resolución do 11 de maio de 2009, da Dirección Xeral da Función Pública, pola que se emprazan os interesados no recurso contencioso-administrativo P.O. 0000996/2008, interposto pola Asociación Galega do Persoal Interino ao Servizo da Xunta de Galicia.

A Dirección Xeral da Función Pública recibiu da Sala do Contencioso-Administrativo do Tribunal Superior de Xustiza de Galicia providencia pola que se admite a trámite o recurso contencioso-administrativo P.O. 0000996/2008, interposto pola *Asociación Galega do Persoal Interino ao Servizo da Xunta de Galicia*, contra a Orde do 27 de maio de 2008 pola que se resolve o concurso para a provisión de postos de traballo vacantes na Administración xeral da Xunta de Galicia 1/2007, convocado pola Orde do 11 de xuño de 2007.

En consecuencia, esta dirección xeral acordou nesta data, e de conformidade co disposto no artigo 49 da Lei 29/1998, do 13 de xullo, reguladora da xurisdición contencioso-administrativa, a remisión do correspondente expediente administrativo á referida sala, o que se notifica para xeral coñecemento de todas as persoas interesadas no procedemento, que son emprazadas para que poidan comparecer como parte nos autos na Sala do Contencioso-Administrativo do Tribunal Superior de Xustiza de Galicia no prazo de 9 (nove) días, contados desde o seguinte ao da publicación desta resolución no *Diario Oficial de Galicia*.

Santiago de Compostela, 11 de maio de 2009.

José María Barreiro Díaz

Director xeral da Función Pública

Resolución do 13 de maio de 2009, do tribunal designado pola Orde do 9 de abril de 2008 (Diario Oficial de Galicia número 72, do 15 de abril) para cualificar o proceso selectivo para o acceso á categoría 050 (técnico especialista en xardín de infancia) do grupo III de persoal laboral fixo da Xunta de Galicia, polas quendas de acceso libre, promoción interna e cambio de categoría, pola que se fai público o baremo definitivo da fase de concurso.

En sesión que tivo lugar o día 13 de maio de 2009, o tribunal III-050, designado pola Orde do 9 de abril de 2008 (DOG nº 72, do 15 de abril), para cualificar o proceso selectivo para o acceso á categoría 050 (técnico especialista en xardín de infancia) do grupo III de persoal laboral fixo da Xunta de Galicia, polas quendas de acceso libre, promoción interna e cambio de categoría, de conformidade co disposto na Orde do 21 de febreiro de 2006 (DOG nº 61, do 28 de marzo), acordou:

Primeiro.-Desestimar todas as alegacións e reclamacións formuladas polas opositoras ao baremo provisional publicado no DOG nº 68, do 8 de abril.

Segundo.-Facer público, como anexo a esta resolución, o baremo definitivo da fase de concurso, con indicación da puntuación obtida polas aspirantes en cada unha das epígrafes das bases da convocatoria das quendas de acceso libre, promoción interna e cambio de categoría.

Terceiro.-De conformidade co disposto nas citadas bases da convocatoria, contra esta resolución os/as interesados/as poderán formular recurso de alzada ante a conselleira de Facenda no prazo dun mes, contado desde o día seguinte ao da publicación desta resolución no *Diario Oficial de Galicia*, de conformidade co disposto nos artigos 114 e 115 da Lei 30/1992, do 26 de novembro, de réxime xurídico das administracións públicas e do procedemento administrativo común.

Santiago de Compostela, 13 de maio de 2009.

Gema Montero Gamarra
Presidenta do tribunal

ANEXO

Puntuacións definitivas obtidas na fase de concurso

Acceso libre

DNI	Apelidos e nome	Base II.1.1	Base II.1.2	Total
46901004W	Álvarez Pérez, Laura	3,1	6,85	9,95
53110897X	Álvarez Ruibal, María Victoria	0	0	0
76578917A	Anido Seoane, Eva	0	5,95	5,95
44080960B	González Solla, Patricia	0,8	1,15	1,95
34895913Z	Grandío López, Ana María	1,9	4,5	6,4
77597247P	Iglesias López, Milagros	4,4	2,9	7,3
53178610B	Martínez Costas, Yolanda	0	0	0
44083106H	Moldes Viñas, Susana	0	0,1	0,1
44083390A	Muñoz Núñez, María José	0	0	0
53169628E	Penelas González, Lorena	0	0	0
44460784J	Pérez Blanco, Marta	0	1,65	1,65
77001984P	Pintos Lusquiños, Dalia	0	0	0
36106551R	Portela Fernández, María Lidia	0	0,55	0,55
44475417H	Rodríguez Fernández, María del Carmen	0	1,94	1,94
36140810J	Román Fernández, Patricia	0,06	0,45	0,51
52499954Q	Ruibal Cabaleiro, Iria	0	0	0
44448362B	Sotelo López, Susana	0	0,3	0,3